

Ola Manuia | iTuvatuva Vakawawa ni Veiqaravi ni Bula ni Pasifika

Julai 2022–June 2024

Ola Manuia | iTuvatuva Vakawawa ni Veiqaravi ni Bula ni Pasifika e rau salavata kei na iVola tukutuku na Te Pae Tata | iTuvatuva Vakawawa ni Veiqaravi ni Bula e Niusiladi ka virikotora na veika me qaravi ena imatai ni rua na yabaki me dusimaka na ituvatuva ni veiqaravi ni bula ni Pasifika na Te Whatu Ora ena kena ivakarau vou.

Na Ola Manuia e vakarautaka e vuqa na itukutuku ni Te Whatu Ora ena kena vaqaqacotaki na ivakarau ni nodra cakacaka na veiqaravi ni bula ni Pasifika me ra cakacakataka na veika e vakabibitaki e na qaravi ni bula ni Pasifika.

Keitou kila ni ra sega ni lako vinaka tiko e vuqa na ivakarau ni veiqaravi ni bula vei ira na kai Pasifika, aiga, ngutuare tangata, famili, kāinga, magafaoa, kaiga, vuvale kaaiga (vei vuvale) kei na lewenivanua.

Na vei cakacaka keitou na qarava ena loma ni rua na yabaki mai oqo, ena tokoni kina na vei vuvale ni Pasifika kei na lewenivanua e Niusiladi me ra tiko vinaka ka me rawa talega vei ira na Pasifika me ra qaravi ena ivakarau ni veiqaravi e ra gadreva kei na gauna e ra vinakata kina.

Na veika e vakaliuci e na veiqaravi ni bula ni Pasifika e vulici mai na veitauvi ni COVID-19 kei na veika e ra tukuna na vei itikotiko ni Pasifika.

VEIKA ME VAKALIUCI ENA VEIQARAVI NI BULA VEI IRA NA PASIFIKA

- Tina kei na gone dramidrami
- Gone lalai kei na itabagone
- iTabaqase
- Tagata sa'ilimalo | ira na vakaleqai na ituvaki ni yagodra
- Tauvimate ni vakasama kei na tiko vinaka
- Na ituvaki e vakilai ena gauna balavu okati kina kenisa, mate ni suka kei na vuce ni yava
- Na veika e vakayacori ena valuti ni mate veitauvi, okati kina na kena qaravi na veika e a sega ni vakayacori kei na bolebole ena loma ni rua na yabaki sa oti

INAKI ME RAWA

- Tauyavutaka e dua na ivakarau vinaka ni kena tokoni na itukutuku ni bula ni Pasifika, nanuma ni veiqaravi vakavuniwai kei na lewenivanua.
- Tokona vakaukauwa na vakatorocaketaki ni veiqaravi ni Pasifika.
- Veitokoni me vakalevutaki na iwiliwili ni Pasifika e ra cakacaka.
- Vakateyaya me levu na vanua me vakaliuci kina na veiqaravi ni bula vei ira na Pasifika.
- Qarava na veika e gadrevi ena veiqaravi ni bula vei ira na lewenivanua e ra vakaliuci me walia na veika e basika e na gauna ni mate veitauvi.

CAKACAKATAKI

- Tara cake e dua na itikotiko raraba ni Pasifika ka vakilai kina na bula ena kena ituvatuva.
- Tekivutaka e dua na tabana ni itukutuku ni veiqaravi raraba vakavuniwai ni Pasifika kei na inaki ni itukutuku vakamareqeti.
- Tauyavutaka e dua na Tabana ni veiqaravi vakavuniwai ni Pasifika me veivuke ena kena tokoni ka vakayagataki na mata cakacaka ni Pasifika.
- Tekivutaka na vakadidike me tokona na kena vakatorocaketaki na ivakadinadina ni sala ni veiqaravi me qarava na veika e gadrevi e na veika e vakaliuci vakavuniwai.
- Tokoni na vei itikotiko ni Pasifika me rawa ni ra cakacaka vata kina na dau veiqaravi ni bula ni Pasifika ena vei itikotiko kei na vanua raraba.
- Cakacaka vata kei ira na veiqaravi vou ni Pasifika ena vei itikotiko osooso ka sega ni se tiko kina e dua na tabana ni veiqaravi ni bula ni Pasifika.
- Tokona na kena vakuri tiko ga na vakatorocaketaki ni ivakarau ni veiqaravi ena COVID-19.
- O ira na dau veivuke vakailavo vei ira na Pasifika ka ra vakayavutaka na nodra veiqaravi ena vuvale ka sema ki na veiyabaki ni se qai oti ga na vakasucu, veiqaravi taumada, valenibula kei ira na dau veiqaravi raraba.
- Tekivutaka na veiyalayalati e yavutaki ena veivakabauti kei na veika e rawa vei ira na dau veiqaravi ni Pasifika vakatau ena veika e ra gadreva kei na iwalewale vou e ra vakayagataka.
- Tekivutaka e dua na iwalewale ni veiqaravi Pasifika me vakatorocaketaki kina e dua na kena ivakarau.
- Cakacaka vata kei na tabana ni vuli me kilai kina na veika e vakadredretaka na vuli ni tabana ni bula ena koronivuli ni sekeniri kei na vuli torocake kei na kena iwali me veivuke.
- Vakayagataka na iwalewale vou ena vei cakacaka me tokoni kina na mata cakacaka ni veiqaravi ni bula ni Pasifika ka vakatorocaketaka na nodra rawaka.
- Tekivutaka na porokaramu me tokona na nodra vuli kei na cakacaka na Pasifika era nasi ka ena dau ena so na tabana.
- Vakadikeva na veisala e so me vakalevutaki kina na vuli ni veiqaravi 1 kei na 2 ena veivakatavulici vei ira na dauniveiqaravi ni Pasifika.
- Tekivutaka na ivakarau ni veiqaravi ni mate ni suka ena vei vuvale.
- Tokona na cakacaka e sa qaravi tiko ena veitabana taucoko me vakalailaitaka na duidui ni wiliwili ni tauvi kenisa vei ira na kai Pasifika kei na nodra vuvale.
- Cakacaka vata kei ira na dau veiqaravi ni bula kei na dau vakadidike ena Vualiku me vakatorocaketaki kina e dua na ivakarau ni veiqaravi vei ira na marama ni Pasifika bukete se ko ira era sucudole na luvedra.
- Tokoni ira na dau veiqaravi ni Pasifika me ra raica ka ra qarava na veika era gadreva na lewenivanua e vakaliuci na veika e ra gadreva.
- Vakadeitaka na kena vakaliuci na kai Pasifika kei na aiga ena kena tekivu tale na veiqaravi ni oti na mate veitauvi.
- Cakacaka vata kei ira na dau veiqaravi kei ira na iliuliu me wali kina na veisivi ni veiqaravi ni bula kei na veika era gadreva na gone ni Pasifika ni oti na mate veitauvi.